

Universitätsbibliothek Paderborn

Examen Confessariorum Repetitum

Schoonaerts, Gregor

Coloniæ Agrippinæ

VD18 14542323-001

§. 3. An montes Pietatis & Lombardi sint usurarii?

urn:nbn:de:hbz:466:1-41226

**§. 3. An montes Pietatis, & Lombardi
sint usurarij?**

Mons Pietatis nihil aliud est, saltem in his locis, quām cumulus pecuniarum, ad subventionem indigentium mediante mutuo destinatus. Alius est ex puris eleemosynis, alius ex pecuniis ad censum levatis, alias mixtus. Mons i. generis cœpit Perusii in Italia an. 1450. sub his conditionibus, ut soli istius loci pauperes mutuum indē reciparent, & quidem in summa determinata, & ad determinatum tempus, dato priūs pignore, modicoque pretio pro ministrorum sustentatione assignato.

Montes Pietatis secundi generis erēti sunt in Belgio anno 1619. tempore Alberti Austriaci, & Isabellæ sub iisdem fermè conditionibus, quibus suprà, nisi quòd possit quilibet indigens, sive dives, sive pauper, indē mutuum recipere, modò tamen non solùm pro Ministris, sed etiam pro censuum solutione, domūisque erectione, & reparatione aliquid tribueretur.

Montibus Pietatis ob civium penuriam non sufficientibus, adjecti sunt Principum autoritate mutuatores publici, vulgo Lombardi, eò quòd modus ille mutuandi à Lombardis initium habuerit: hi autem vix differunt à montibus Pietatis secundi generis, nisi quòd aliquid ultra assignetur mutuatoribus ratione lucri cessantis. His positis

q. 1. Montes Pietatis primi & secundi generis
non

non sunt usurarii, quia modicum, quod in illis recipitur ultrà sortem, non datur vi mutui, sed pro ministrorum sustentatione, qui non tenentur gratis laborare; unde montes illos sub Paulo II. Sixto IV. Innoc. VIII. & Alex. VI. erectos, confirmavit Leo X. in Conc. Lateran. tanquam pietatis & misericordiae exercitia, propositis indulgentiis fidelibus, qui ad eorum erectionem suis eleemosynis concurrerent &c.

Quod ad secundos attinet, neque in illis aliquid exigitur ultrà sortem ratione mutui, sed ex justo titulo, nempè ad montium conservationem, administrationem, exonerationem. Præterea licitum est, & ab usura immune, in montibus primi generis aliquid exigere pro ministrorum labore, & sustentatione; quidni, & quando exigitur in montibus secundi generis aliquid pro censuum solutione? Accedit, quòd hi montes fuerint eretti ex consensu & consilio Archi-Episcoporum, Episcoporum, multorumque Belgii Theologorum, qui omnes, re attentè examinatâ, & in statera Domini librata, indicârunt non esse usurarios.

¶. 2. Etiam ab usura videntur immunes Lombardi, modò servent ad amissim Principum, aut Magistratum edicta, non excedant pretium taxatum, nec plus recipient, quàm sit detrimentum, quod patiuntur ratione lucrī verè & realiter cessantis.

CA-